

## 2019-imí meeqqat atuarfianni soraarummeernerit

Meeqqat atuarfianni naggataarlutik atuartut FA-milu atuartut agguaqatigiissillugu karakteerii kommuninut, suaassutsinut atuarfinnullu agguanneri aammalu kommunit malillugit karakteerit agguanneri tabelini takuneqarsinnaapput.

Annertunerusumik periaatsimut nassuaat periaaseq pillugu nalunaarummi takuneqarsinnaavoq.

Meeqqat atuarfiini misilitsinnerit naammassineqarsimasut inernerri kisimik kisitsisitigut paassisutissani naatsorsorneqarneri erseqqissaatigineqarpoq. Taamatullu atuartut qanoq amerlatigisut inaarutaasumik misilitsinnermi peqataasimanngitsut nalunaarsuuteqannginnerat.

### Meeqqat atuarfianni soraarummeerluni karakteerit

#### Siunertaq

Meeqqat atuarfianni soraarummeerluni karakteerit Ilinniartitaanermut Aqtsisoqarfiup Karakterdatabase-ani saqqummiunneqartarput. Meeqqat atuarfianni soraarummeerluni karakteerit kisitsisaataasivimmi saqqummiunneqarnerinut siunertaavoq nalunaarsuutit tamanut pisariinnerusumik atorneqarsinnaalernissaat. Massakkullu ukiumiit ukiumut karakteerit aammalu assersuutigalugu atuarfiit akornanni karakteerit ineriartornerat ajornannginnerusumik sanilliunneqarsinnaalerput.

#### Nalunaarsuutit tunngaviusut

Meeqqat atuarfianni soraarummeerluni karakteerinut naatsorsuinermi Ilinniartitaanermut Aqtsisoqarfiup Karakterdatabase-ani nalunaarsuutit atorneqarput.

Karakterdatabase meeqqat atuarfianni ukiumi atuarfiusumi karakteerinik, inaarutaasumik misilitsinnermi karakteerinik taamatullu Majoriami imaluunniit Kalaallit Nunaanni højskolini efterskoliniluunniit piginnaanngorsarluni meeqqat atuarfianni soraarummeernermi misilitsisummik naammassinnissimasut karakteeriinik imaqarpoq. Database atuartut soraarummeerluni misilitsinnissamut peqataasussaanngitsutut akuerisaasimasut nalunaarsuutaannik imaqanngilaq. Amerlanertigut tamanna specialklassini atuartunut pisarpoq. Taamatuttaaq atuartut Danmarkimi efterskolini 10.klassersimasut nalunaarsorsimanngillat. Meeqqat atuarfianni aaqqissuusseqqinnerup eqqunneqarnerata kingorna atuartut soraarummeertut siullit 2008-mi Atuarfitsialammi soraarummeerluk misilitsipput. Aaqqissuusseqqinnerup siuliani eqqunneqarneratalu kingorna karakteerinut nalunaarsuutit

sanilliunneqarsinnaanngillat, taamaattumik kisitsisitigut paasissutissani peqqussutip nutaap atuutilerneranit atuartut karakteerii kisimik ilangunneqarput.

### **Periaaseq**

2008-mut nalunaarsuutit atorneqartut peqqussummi siullermi nutaamilu atuartut soraarummeirlutik karakteeriinik imaqarput. Kisitsisitigut paasissutissani pequssummi nutaami atuartut kisimik ilangunneqarput.

Karakteerit nalunaarsuutaat misissorneqarput, inuup-normui atorsinnaanngitsut peerneqarlutik. Atuartut Meeqqat atuarfianni naggataarlutik atuartunut aammalu FA-mi atuartunut klassip qaffasissusai malillugit agguaanneqarput. Klassit qaffasissusaanni kukkusumik nalunaarsorsimasut aaqqinneqarput. Marloriarluni nalunaarsorneqarsimasinnaaneq misissorneqarpoq, taamaasilluni inuup normui tamarmik immikkut fagimut ataatsimut, inaarutaasumik misilitsinnermut ataatsimut, klassip qaffasissusaanut ataatsimut aammalu ukiumut pineqartumut ataatsimut karakteeri ataaseq nalunaarsorneqarpoq. Atuartut napparsimallutik, agginngitsoorlутik il.il. soraarummeirluni misilitsinnermi peqataasimangitsut peerneqarput, taamaasilluni nalunaarsuutini atuartut karakteerillit kisimik ilaatinneqarlutik. Taakkulu saniatigut aalajangerneqarpoq faginut toqqagassanut aammalu allamiut oqaasiisa pingajuannut karakteerit nalunaarsuutaat saqqummiunneqassangitsut, nalunaarsukkat ikippallaarnerat kisitsisinilu paasissutissani sanilliunneqarsinnaannginnerat peqqutigalugu.

### **Naatsorsuineq**

Soraarummeirluni misilitsinnerni karakteerit kisitsisitigut paasissutissaat agguaqatigiissillugit kisinneqarput aammalu kommunit, atuarfik, klassip qaffasissusaa, suaassuseq ukiorlu malillugit naatsorsorneqarlutik. Taassuma saniatigut kommunit malillugit karakteerit agguannerinut, karakteerilersuisarneq A-B, C-D, E aammalu Fx-F atorlugit, kisitsisitigut paasissutissiortoqarpoq.

Kisitsisini paasissutissani nalunaarsuutit sisamanit ikinnerusut saqqummiunneqanngillat.

### **Killiliineq erseqqissagassallu**

Karakteerit agguaqatigiissinnerinut imaluunniit atuarfiit malillugit karakteerit agguannerinut sanilliussinermi atuartut ikittunnguusinnaaneri eqqumaffigineqassaaq, kisitsisitigut paasissutissani nalunaarsuutit ikitsillugit inuit amerlassusaat apeqqutaalluinnartarmat ukumiillu ukiumut nikerartitsisinnaalluni.

---

Ilisarnaatinut nassuaatit:

... Paasisutissat pigineqanngillat  
.. Paasisutissat nalunaarsussallugit qularnarpallaarput mianersuuttariaqarpulluunniit  
. Suliap pissusia tunngavigalugu kisitsisit saqqummersinneqarsinnaannngillat  
0 Uuttuitigineqartup affaanit minneruvoq  
- Nul  
\* Kisitsisaagallartoq kisitsilluunniit eqqoriarneqartoq

Saaffissaq

Emil Malta

E-mail: emim@stat.gl

Ilinniartitaaneq

Naatsorsueqqissaartarfik  
Postboks 1025 · 3900 Nuuk  
Oqarasuaat.: +299 34 57 70 · Faxi: +299 34 57 90  
www.stat.gl · e-mail: [stat@stat.gl](mailto:stat@stat.gl)

---

